



## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

135

### «ՀԱՅԱՍՏԱՆԻ ՑԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ԵՐԵՎԱՆԻ ԳԱԳԻԿ ՍՏԵՓԱՆՅԱՆԻ ԱՆՎԱՆ ԹԻՎ 135 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՄԻՋԵՎ

Սույն համագործակցության հուշագիրը (այսուհետ՝ Հուշագիր) կնքվում է «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) և «Երևանի Գագիկ Ստեփանյանի անվան թիվ 135 հիմնական դպրոց» ՊՈԱԿ (այսուհետ՝ Կազմակերպություն) միջև:

**Հաշվի առնելով**, որ Կողմերն ընդունում են փոխադարձ համագործակցությունը և փորձի փոխանակումը.

**Նկատի ունենալով**, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ.

**Կարևորելով** ուսանողների և ապագա մարզիչ-մանկավարժների պրակտիկ ոլորտում կարողությունների զարգացումը.

**Ընդունելով** Ինստիտուտի և Կազմակերպության պատրաստակամությունը պրակտիկ համատեղ հետազոտությունների իրականացման, ուսանողների պրակտիկաների կազմակերպման համատեքստում.

**Հիմք ընդունելով** սույն Հուշագիրը և փոխադարձ պայմանավորվածությունները.

**Կողմերը համաձայնեցին հետևյալի շուրջ՝**

#### 1. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿԸ

1.1 Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

#### 2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ

2.1 Ինստիտուտը պատրաստակամ է ֆիզիկական կուլտուրայի և սպորտի ոլորտում պրակտիկ թեմաներ առաջարկել ուսանողներին՝ Ինստիտուտի մասնագիտական ամբիոններում և/կամ Կազմակերպությունում հետազոտություններ իրականացնելու, հատկապես՝ դպրոցականների շրջանում առողջ ապրելակերպի, ֆիզիկական կուլտուրայի և սպորտի զարգացմանը խթանելու վերաբերյալ, իսկ Կազմակերպությունը

իր պատրաստակամություն է հայտնում գործուն և առարկայական աջակցություն ցուցաբերել այդ հետազոտություններն իրականացնողներին.

- 2.2 Սույն Հուշագրով Ինստիտուտը և Կազմակերպությունը համագործակցում են նաև
  - 2.2.1 Ինստիտուտի կրթական ծրագրերի մշակման աշխատանքներում
  - 2.2.2 Սեմինարների, խորհրդակցությունների կազմակերպման միջոցով
  - 2.2.3 Ինստիտուտի և Կազմակերպության գործունեության ոլորտներին առնչվող համապատասխան նյութերի հրատարակման գործում
  - 2.2.4 Վարպետաց տեսական դասերի և գործնական պարապմունքների անցկացման գործում
  - 2.2.5 Հանրաճանաչ մարզիկների և մարզիչների հետ հանդիպումների կազմակերպման շուրջ
  - 2.2.6 Մասնագիտական կողմնորոշման նպատակով ինստիտուտ շրջայցեր կատարելու միջոցով
  - 2.2.7 Հանրակրթական դպրոցի սովորողների ֆիզիկական զարգացման և ֆիզիկական պատրաստության վերաբերյալ քննարկումների անցկացման միջոցով
  - 2.2.8 Մրցումների, հուշամրցաշարերի, մարզական տոնների, ցերեկույթների համատեղ կազմակերպման գործում
  - 2.2.9 Տեսական և գործնական պարապմունքների անցկացման ուղղությամբ մեթոդական օգնություն ցուցաբերելու ոլորտում
  - 2.2.10 Օլիմպիզմի գաղափարների տարածման շուրջ
  - 2.2.11 Մարզաբազաների, տարածքների, գույքի օգտագործման, համատեղ աշխատանքային խմբերի ձևավորման ինչպես նաև Ինստիտուտի և Կազմակերպության լիազոր ներկայացուցիչների միջոցով Կազմակերպությունում բուհի շրջանավարտներին աշխատանքի անցնելուն աջակցման հարցերի շուրջ
  - 2.2.12 Ուսանողական պրակտիկանների ընթացքում փոխայցելությունների կազմակերպման միջոցով
  - 2.2.13 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով
  - 2.2.14 Ինստիտուտի ուսանողների մասնագիտացմանն առնչվող գիտագործնական և մասնագիտական կատարելագործման, ինչպես նաև գիտելիքների և հմտությունների ներդրման ուղղություններով:

### **3. ՀԱՄԱԳՈՐԾԱԿՑՈՒԹՅԱՆ ՍԿԶԲՈՒՆՔՆԵՐԸ**

3.1 Ինստիտուտը և Կազմակերպությունը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

### **4. ԵԶՐԱՓԱԿԻՉ ԴՐՈՒԹՆԵՐ**

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:



- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն Հուշագիրը կնքվել է Երևան քաղաքում, 2022 թվականի նոյեմբերի 18-ին:
- 4.6 Սույն Հուշագիրը ուժի մեջ է մտնում ստորագրման պահից և գործում անժամկետ:

**5. ԿՈՂՄԵՐԻ ՎԱԿԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ**

**Ինստիտուտ**

«Հայաստանի ֆիզիկական կուլտուրայի և սպորտի պետական ինստիտուտ»

հիմնադրամ

ք. Երևան, Արեւ Մանուկյան 11

Ռեզնոր Գավիթ Խիբանյան



ստորագրություն Կ.Տ.

**Կազմակերպություն**

«Գազիկ Ստեփանյանի անվան թիվ 135 հիմնական դպրոց» ՊՈԱԿ

ք. Երևան, Նոր Նորք 2-րդ գանգված,

Նելսոն Ստեփանյան 5

Տնօրեն՝ Գարեգին Ներսեսյան



ստորագրություն Կ.Տ.